



Broj:03-144-5.1/25
Sarajevo, 03.04.2025. godine

Na osnovu člana 69. Zakona o visokom obrazovanju („Službene novine Kantona Sarajevo“, broj: 36/22), člana 111. Statuta Univerziteta u Sarajevu od 26.07.2023. godine, Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu i na osnovu prijedloga odsjeka/katedri, Vijeće Univerziteta u Sarajevu – Akademije likovnih umjetnosti je na 50. redovnoj sjednici održanoj 03.04.2025. godine donijelo

ODLUKU

o kriterijima i mjerilima za rangiranje kandidata
za upis u prvu godinu I (prvog) ciklusa studija na Akademiji likovnih umjetnosti u Sarajevu
u studijskoj 2025./2026. godini

I

Pravo učešća na Konkursu za upis u prvu godinu prvog ciklusa studija pod jednakim uvjetima imaju:

- a) državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini;
- b) kandidati koji su srednju školu završili izvan Bosne i Hercegovine, a za koje je nakon postupka priznavanja odnosno nostrifikacije utvrđeno da imaju završeno adekvatno obrazovanje za nastavak školovanja;
- c) kandidati sa završenom četverogodišnjom srednjom školom po međunarodnim programima koji su odobreni od nadležnog ministarstva.

II

Rangiranje kandidata i prijem studenata koji konkurišu za upis na Akademiju likovnih umjetnosti u Sarajevu (u daljem tekstu: Akademija) vršit će se u zavisnosti od broja bodova koje kandidat osvoji na osnovu:

- općeg uspjeha u toku školovanja
- uspjeha iz bosanskog, hrvatskog ili srpskog jezika
- uspjeha iz predmeta značajnih za studij
- vrednovanja rezultata postignutih na prijemnom ispitu
- rezultata ostvarenih na takmičenjima iz predmeta relevantnih za određeni studij,
- odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja;
- ostala bodovanja utvrđena članovima Konkursa za upis studenata u prvu godinu studija na Univerzitetu u Sarajevu u akademskoj 2025./2026. godini (u daljem tekstu: Konkurs),
- prioriteta izbora studijskog programa,
- rezultata eksterne provjere znanja (u slučaju međunarodnih programa)



III

Broj bodova po osnovu općeg uspjeha iznosi maksimalno 20, a utvrđuje se na način da se prosjek ocjena iz svih predmeta pomnoži sa 4 i zaokruži na dvije decimale (saberu se ocjene, podijele sa brojem predmeta i pomnoži se sa 4).

IV

- a) Broj bodova po osnovu uspjeha iz predmeta značajnih za studij na Akademiji vrednuje se maksimalno 20 bodova i to tako što se prosječna ocjena iz grupe ovih predmeta zaokruži na dvije decimale i pomnoži sa 4.
- b) Predmeti koji se posebno boduju kao značajni za studij na Akademiji su za sve odsjeke i iz svih škola su maternji jezik i strani jezik.
- c) Rezultati postignuti na prijemnom ispitu vrednuju se sa maksimalno 60 bodova.

V

Kandidati koji su ostvarili nagrade, jedno od prva tri mjesta, za likovna odnosno dizajnerska ostvarenja na međunarodnim, državnim, kantonalnim i općinskim takmičenjima, ostvaruju broj bodova onako kako je objavljeno Konkursom.

VI

Kandidatima koji su imali odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja, dodjeljuje se dodatnih 5 (pet) bodova.

VII

Ocjenjivanje kandidata na prijemnom ispitu vrše komisije koje imenuje Vijeće iz reda predmetnih nastavnika.

VIII

Na početku i tokom prijemnog ispita komisije pregledaju radove kandidata, mapa od najmanje 10 samostalnih radova iz slobodne aktivnosti kandidata, format i tehnika radova po slobodnom izboru kandidata, a za Odsjek grafički dizajn, pored ove mape, kandidati prilažu i 10 fotografija A4 formata. Kandidati mapu predaju drugi dan prijemnog ispita na odsjeku koji im je prvi izbor.



IX.

Na prijemnom ispitu kandidati ostvaruju bodove po osnovu pokazanih rezultata u izradi slijedećih zadataka:

1. Kandidati svih odsjeka rade **pismeni rad iz oblasti Historija umjetnosti**

2. Kandidati za pojedine odsjeke rade zadatke iz slijedećih disciplina:

Nastavnički odsjek:

- crtanje portreta
- crtanje figure
- slikanje mrtve prirode
- crtanje/slikanje slobodne kompozicije

Odsjek slikarstvo

- crtanje portreta
- crtanje figure
- slikanje zadanog motiva
- realizacija po slobodnom izboru

Odsjek kiparstvo

- crtanje figure
- modeliranje portreta
- bodovanje priloženih radova/mape
- intervju

Odsjek grafika

- crtanje portreta
- crtanje figure
- predložak za jednu od tehnika
- slobodna kompozicija

Odsjek grafički dizajn

- crtanje kompozicije
- vizualne komunikacije – piktogram
- vizualne komunikacije – plakat
- intervju, pregled mape i obrazloženje dizajnerskih zadataka

Odsjek produkt dizajn

- crtanje kompozicije
- prostorna kompozicija u papiru
- redizajn i analiza predmeta / modelovanje u glini
- intervju, pregled mape i obrazloženje dizajnerskih zadataka



X

Kandidat na prijemnom ispitu može ostvariti ukupno 60 bodova.

Bodovanje pokazanog uspjeha na izradi zadataka iz prethodnog člana vrši se tako što se svaki izrađeni zadatak boduje ocjenom od 5 – 10, tako da ocjene pojedinačno donose slijedeći broj:

- ocjena 5 (pet)	0	bodova
- ocjena 6 (šest)	3	boda
- ocjena 7 (sedam)	6	boda
- ocjena 8 (osam)	9	bodova
- ocjena 9 (devet)	11	bodova
- ocjena 10 (deset)	12	bodova

U izbor ne mogu ući kandidati koji na prijemnom ispitu nisu ostvarili najmanje 36 bodova (odnosno 60%), odnosno oni kandidati koji su iz jednog ili više zadataka dobili ocjenu 5 (pet), odnosno 0 (nula) bodova.

XI

Ocjene iz disciplina *Crtanje portreta*, *Crtanje figure* i *Crtanje kompozicije* koje kandidat ostvari prilikom polaganja prijemnog ispita na primarnom izboru odsjeka/studijskog programa će biti priznate na svim odsjecima na koje se student prijavi kao naredni izbor, a na kojima su zastupljene iste discipline.

XII

Komisije bodove i rezultate prijemnog ispita unose putem informacionog sistema eUNSA najkasnije dva dana od dana završetka prijemnog ispita.

XIII

Preliminarna rang lista svih primljenih i prijavljenih kandidata objavljuje se putem informacionog sistema eUNSA kao i na oglasnoj ploči/web stranici Akademije (pod šifrom koju su kandidati dobili prilikom registracije) nakon što je verificira Komisija, na datum utvrđen Konkursom.

XIV

Na preliminarnu rang-listu kandidati imaju pravo prigovora u roku od dva dana od dana objave iste, o kojoj je Vijeće Akademije likovnih umjetnosti obavezno donijeti odluku u roku od jednog dana. Odluka Vijeća po prigovoru je konačna.

Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru. U slučaju uvaženog prigovora koji utiče na rangiranje kandidata unutar odobrene kvote, kvota se proširuje za broj kandidata kojima su uvaženi prigovori u statusu za koji konkurišu.



XV

Konačna rang lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici Akademije u skladu sa datumima utvrđenim ovim Konkursom.

XVI

U roku od 5 radnih dana od dana objave konačne rang liste, kandidat koji je ostvario pravo na upis je obavezan dostaviti originale dokumenata koje je postavio na web stranici i izvršiti upis; u suprotnom, smatra se da je odustao od upisa na studijski program za koji je aplicirao.

XVII

Konkursom za upis studenata u prvu godinu studija na Univerzitetu u Sarajevu u akademskoj 2025./2026. godini će biti detaljnije raspisani prijavni rokovi, opće odredbe odluke o kriterijima i mjerilima za utvrđivanje redoslijeda prijema kandidata za upis u prvu godinu studija, dokumenti potrebni za online prijavu na konkurs, kriteriji i mjerila za bodovanje kao i upis kandidata.

XVIII

Ova odluka stupa na snagu danom donošenja.

D e k a n

s.r. Prof. dr. Dubravka Pozderac - Lejlić

Dostaviti:

- web stranica ALU
- Sekretar ALU
- Služba za nastavu i studentska pitanja
- arhiva- protokol



Broj:03-144-5.1-1/25
Sarajevo, 03.04.2025. godine

Predmet: Stručno mišljenje

Na osnovu člana 127. Statuta Univerziteta u Sarajevu od 26.07.2023. godine mišljenja sam da predmetna odluka, sačinjena na osnovu prijedloga odsjeka ALU, nije u suprotnosti sa zakonskim i podzakonskim propisima.

Vijeće članice nadležno je za usvajanje predmetne odluke u skladu sa članom 69. Zakona o visokom obrazovanju („Službene novine Kantona Sarajevo“, broj: 36/22).

Sekretar
s.r. Elma Dozo, dipl. pravnik